

Klores Wasser in der Rakiflasch

De Vetter Matz war e sparsamer Mensch, manchmol hat er sogar iwertrieb. Doch niemande hat ne vun seine Gewohnheite abbringe kenne. Schun beim kleenschte Versuch in dere Hinsicht is er sturrisch gin. Also hat die Bäsl Marian ne meischt in Ruh wurschtle un spare gelosst. So wars ach mit de Stellasche un em Platz im Keller. Der Keller is uner der Garasch ausgegrabt gin, weil die zwaa Schwowe jo in eener Blockwohnung gelebt han. Un vor lauter Rakiflasche hat die Bäsl Marian fascht gar ke Platz me gfunn for ihre Dunschtobstgläser, Saures un Paradeisflasche. So is in jedem Herbscht gezänkert gin, der Raki git sowieso nit getrunk. Un for was muss er dann dorte in Reih un Glied stehn? Alli Flasche ware scheen noh Johrgang mit Etikett ufgeschrieb un han druf gewart, „an die Reih zu kumme“!

Doch weder de Matz noch es Marian han, ausser zu ganz seltene Ereignisse, vun dem Raki getrunk. Un wann, dann nor een Stambl. Verkaaft is nix gin. Raki is in jedem Johr gebrennt gin. Un die Flasche un Kriech voll dermit, hat de Matz ufghob. Hie un do, un des schweren Herzens, is e Flasch Raki verschenkt gin.

Es war mol wieder soweit, dass die zwaa Schwowe uf Deitschland gfahr sin. Weil mer jo je Raki iwer die Grenz fiehre soll, hat de Vetter Matz wie jedmol do rum gepantscht Halbliterflasche aus Plastik sin ausgewäscht un umgstilpt gin, dass jo ke Troppe Wasser me drin bleibt. Derno mit Raki aus verschiedene Johrgäng anfillt un etikiert wore. Die Halbliterflasche hat mer gut in Zeitungspapier ingewickelt un im Kupfer zwischer em Gwand verstopelt.

So sin se dann in Deitschland ankumm, han die Rakiflasche scheen uner de Kiner verteelt, obzwar die nit so recht verpicht druf ware. Weil heitzutach git in Deitschland anres Getränk getrunk, die Kiner saan sogar, sie wille de stinkiche Raki nit.

An eem gemietliche Winterowet sin Nochberschleit vun de Kiner bissl maje kumm un es heescht ufmol: Mir were Krampampl mache. De Zucker war schnell gebreindelt, e Rakiflasch is ausgeleert un druf gschitt gin. Die Kich war verracht vum Zucker breindle. Doch nix hat gstunk. Do verkoscht es Marian bissl. Im Phändl war nix anres wie e Tee aus gebreindeltem Zucker. Weil se de Matz nit hat wille blossstelle, dass er jo anstatt Raki Wasser uf Deitschland gschleppt hat, hat se schnell e anri Flasch ufgemacht. Gottseidank war Raki drin.